

勉齋先生黃文肅公文集

七

勉齋先生黃文肅公文集卷第七

書六

與鄭成叔書

幹同朋友寓蕭寺終日無來人乃知山居之樂如此入城千萬枉道下訪也承諭記文筆力低弱不足以發明尊丈宣義家庭之訓與賢昆弟相與之情更幸改抹看如何一覽棄去可也記中欲知其爲某人家不得不書人表德甚皇恐父前子名則又不得不書名僭越之甚

紹熙壬子

夏成叔請怡閣記也

六卷

一

仁

傳諭丈丈宣義眷矜之意甚厚秋深當走求瞻拜無益之書不敢先瀆待次望道謝意何日復入城近與朋友看博議見其考事說理頗有可觀反爲衍辭華語所汨沒間亦有非出一手者妄意刪去三取其一似稍可觀已祝望之携呈試爲一覽有可疑者幸相往復成叔之敏不過一閱也

幹昨入城特留一兩日復入山今尚可爲半月之留漸迫俗務不容久享清福也朋友去盡雖無講切亦頗得自溫習業與世違不足道也昨

望之歸以一書附之免達不審曾至否子羽尚
未來秋賦甚近計淬厲日進以成叔詞氣當無
復堅敵但更放平令明白如白居易詩雖婆子
亦可曉庶讀者不甚費思索耳不知如何但幹
豈足議及此耶久旱風雨可畏近城兩熟之田
皆無所傷想並海殊為此撓於收刈無阻否所
在或水或蝗天災異甚肉食者殊不為動心也
幹試後多事欲再尋入山之盟而未能筆硯已
生埃矣朋友盡散獨謙之數往來耳何日入城
得請教論邪儀禮編次殊未有倫理得一二朋

六卷

二

邦仁

友如成叔之敏爲兩三日之集則此意可遂矣
幹日困多事不得專意講習爲懼承日課詩禮
計有新功世間書無不當讀况涵泳持久以養
情性者乎但語益近思是初讀書用二緊要處
須是熟讀精思真見聖賢意思則以此讀世間
書是非得失方有尺度不至於泛然徒爲誦記
而已此皆前輩所已言承問輒及之詩集傳刊
本不及見此却有寫本偶鄭子立借去俟其送
至當納去東萊詩記與詩傳雖多不同然意思
寬博從容却亦頗有益

翰明日遂行上元前度可抵家需詩傳適迫行
忙冗亦徧尋偶文籍散亂竟尋未得翰不久即
歸抄錄未晚也儀禮元不曾點併俟他日

翰抵此諸况如昨但日俟家兄之報以決行期
先銘非淺陋所能稱述以友誼之厚亦欲勉強
復迫多事愧未能如期耳買書亦偶印未就彦

忠行急併俟後便也

慶元丙辰先生是歲自晦翁所還里

翰罪逆不天先妣葬事有日欲啓先人舊壙舉
以合葬棺爲水所舂撞雖幸無他然歎側已甚
有人子所不忍見者苦哉痛哉不孝之罪何以

六卷

三

却仁

自贖兄弟相視方知擇地不可不審家兄頃亦
不以風水爲意至此方大懼新卜地特出家兄
之見開穴未數尺已有涓涓之狀矣以此遂姑
遲之然家兄嫉季通彥忠之說如仇讎雖有百
口莫能開釋付之俗師卜之淫鬼終恐復蹈前
轍無可言者身屬卑幼孰諫不從只得聽順中
間憂悶不能食者數日幾至委頓今却幸稍能
支吾以視大事之畢百况如此亦不如無生也
考亭先生中間得書一病幾不可救已遺書相
訣矣近却已安近聞詆排之意復熾不知竟如

何此間朋友十數人却皆謹愿純靜有可共學之質以科舉在近皆未暇講習聞家塾相聚者衆想極有美質聞望之在彼幸爲致意試前能一來山間訪問生死否戊午

承許下訪兼聞昆仲偕俸慰幸之甚禮書之成有日矣所借善書行者二人亦約上元後到此得如期同點檢與之抄錄爲幸張樓不難區處潘百二哥今日亦來相訪大率朋友來者皆以朋友未集且歸若成叔之來當呼致之林公度潘謙之度亦月半間此來亦一盛集也已未春成叔遣

六卷

四

其季弟周父來從先生學

幹禍患餘生心力凋耗此間事緒不一終日應酬無少暇遇休日且得休歇喪禮尚未暇修整禮圖已略觀更須相見更相詰難方見定論自舉業爲士子錮疾不惟義理全不明而文字亦全無綱紀補緝萎弱亦無次序如醉人說話滔滔皆是也如昆仲真讀本分書實可爲後生法也此中兩三般人有一種直可與講理義者有一種亦只得令渠讀經史及古人文字勉令飭行作世間好人耳近却頗似整齊彼此意思亦

漸相孚矣長溪楊丞通老來此此人却是武夷
門朴實做工夫人無一點世俗態信道甚篤深
可敬重度更留此半月餘不知成叔能及見之
否若撥冗一來住三兩日亦佳

翰祥祭在近意緒摧割且日與後生習無益之
業尤無好况朋友講習者亦苦無堅強奮發之
意此道不明二三十年方得二三大儒講明以
大振墜緒欲一一以望之世人亦難矣但一向
如此則斯文之不喪者幾希昆仲不讀世間書
異日相從於寂寞之濱者賴有此耳類禮此間

六卷

五

全不暇看大祥在七月初九日翰欲七月初一
日即請一二長上權齋翰即携喪禮登箕山作
十日工夫了却此一事若彼時得成叔肯來須
省得太半功力也不知如何早望示報周禮雖
且編得到地官一半然覺得亦成倫理可觀今
歲若了得此一書亦是一事此間亦有前輩三
四家說略無足采者以是益覺此書不可不成
也異日更得成叔修成所編禮記以配此書更
編得祭禮以配喪禮亦可以少裨世教也
翰祥祭在即哀慕何窮衰瘁日甚他無可言者

家兄一房欲移歸城借屋以居私竊不便只得移朋友就陳膚仲舊屋一兩日湏可移朋友多歸無復講習之益可以整治喪禮適建寧有專人來又了數日書問擾擾不可言小卷已了即可附來此中呼書工錄出如未畢且將所移喪服制度注疏見示欲添成此一篇也大祥鄉人例用忌日或疑不得二十五月足日之數不知如何試爲思之

翰祥祭甫畢哀慕深以家兄一房在山間未歸葺治屋舍以俟其還遂暫移朋友於膚仲故

居方此擾擾又聞池陽余景思之訃殊可傷悼辨遣一僕往迎護其喪以是尤覺多事自顧荒陋恨無以謝朋友遠來相聚之意日月如流此去整整只有百日即東西南北矣八月一日課諸兄說易一卦孟子兩板休日畢集於僧舍設湯餅供輪請六七人覆講不通者罰從容終日而罷粗覺意思不惡承許月半後此來當不爽約也類禮日夜在念此兩日方得下手喪大記及士喪禮已看過只是多令互見而注疏只出一處如此亦不甚繁更旬日亦可下手抄寫但

如孟子荅滕文公段子之類亦合入但未有頓
放處更容盡抄出諸經如顧命之類皆抄入乃
佳荀子左氏傳之類却別作外傳也更得從者
早來相與詰難庶有至當之論也二十五月而
大祥頃亦檢尋皆無所考後見司馬公却於忌
月前一月之末卜忌月內一日祥祭設使忌日
在二十九日而卜得初二二日則尚不滿二十
四月只有七百日而大祥矣不知司馬公何所
據然大祥必須卜日又不知於何日方卜前日
先妣大祥只於忌後一日祥祭又不知果合禮

經否大帶初讀鄭註及疏亦疑其如來諭云云
但士緇辟二寸再繚四寸兩句却以緇辟為句
絕二寸又自為一句似不成文理陳氏禮書却
云二寸者只是緇辟闊二寸禪垂者只是裡其
下端二寸耳其說又謂約組三寸不應帶反細
於組其說亦似有理如此則再繚四寸者恐是
兩面皆緣二寸則共為四寸是否不知如何王
藻最是說帶處脫爛不可復考也今禮書書帶
多於腰間正結處作兩紐如環注疏又不及此
不知後人何所見而云王侍郎遂以為此即所

謂紐也亦恐未必然耳疏中所謂裨其一垂者
初亦恐如來諭或恐一垂只言不裨腰間而裨
其垂皆不可復考也陳太丘趙苞二事鄙見亦
只如此但趙苞事更索區處使一郡生靈不至
魚肉鮮卑不至衝突乃是若只了得自身而百
事皆放倒以爲乘障安邊付之能者何不早爲
此言而誤人國家事哉要之古人立爲危邦不
入亂邦不居之法亦正慮其異日之難處也孝
叔素聞其豪宕有奇氣每以不得一見爲恨今
乃得竊觀餘論甚幸甚慰但不曉包承小人之

法如何昨讀管見方疑胡公氣蓋一世乃獨爲
此等議論不謂孝叔生平有豪名而亦爲此言
也幹比讀東漢黨人事便雖變易姓名爲人傭
作以避禍及變易姓名往來京師多所營救故
一時善類全宥者多如此等人物已覺不甚滿
人意不行乎此心之正而崎嶇以求苟免者皆
不能樂天順命者也奴僕熏傷之餘竊弄人主
之威福天惡神怒而豪傑之士恨不剗刃其腹
乃以士大夫而爲中常侍之弔客豈但枉尋直
尺而已哉包承者小人之所以吉也若大人則

身雖否而道則亨矣此大易之本旨也更往復以質其是否乃佳

翰諸况如昨但漸覺多事不得一意讀書為撓誌文後別改定數處亦只是刪去冗辭今所指摘數處極是俟改正即託舜和書之但既不足以發揮潛德又豈足以刊之堅珉也哉

已未春成叔有

外祖母之喪此時求墓誌於先生也

翰頗苦多事七家兄方遣女六家兄復治行墳禁之訟復興撓不可言更旬日後又自為治裝之計矣相別無月日為之悵然後月廿日以前

一
卷

九

更能一來與朋友相聚否此間三五同舍天資粹美志向堅確其他亦大率循循雅飭翰之荒陋反愧見之故尤望成叔一來與之相款以別也令外祖母志節之高鄙文不足以稱之又加以勒石重自愧耳

翰入栗山因訪必大過節方歸治行冗擾不可言自惟不才竊聞先生長者之餘論不為鄉人朋友所鄙棄復欲與之為筆硯之交義不容辭開正又復東下但處非其位尚賴成叔諸兄相與維持得不至踈脫為幸世俗淺薄深恐因此

遂蹈悔尤也然天理人心有不可泯滅者擇其善者相與勸勉亦足以少助吾道之勢耳

榦諸况如昨病軀漸向安然亦未十分脫體亦漸可觀書矣師亡友散所恃者書冊矣益不敢不自勉也昆仲相聚日有新功應舉工夫不可不勉得失窮通則勿以累其曾次爲佳不然則與庸人何異哉人家之興替人命之亨否固有定命也鄉間朋友漸知趨向者多更賴成叔振技激昂之使師傳不廢莫大之幸也人生無幾米鹽瑣碎不足以浼吾靈臺也近偶思九月以

六卷

十

下之喪除服月日先儒所未說漫記一段託望之錄呈試一觀是否幸見教

庚申

榦一歲之中災禍偕至餘殃未殄半月來疽發右臂徹夜痛楚心煩意亂亦幾不救然禍患更嘗已熟亦不知死之可畏而生之可樂也先兄一房存沒留寓於此爲計甚深而親故莫能悟也歲晚當一歸爲先兄辦葬事湏得一見

榦諸况如昨無足言者俟先生掩壙後即歸度十二月初五六間到家不知能一出相聚否諸事悉面言茲不暇及但有一事陳彥忠以九月

廿四日死於建寧之客舍無以爲棺斂之資嘗率此間親故助之矣然後事可慮者甚多鄙意欲得成叔爲之糾率鄉間朋友嘗與彥忠往來者如寅伯大哥舜和謙之子立履之用之諸人哀金以賙之此已馳書懇潘溥之矣彼中惟成叔與之最厚當爲勸首亦須稍厚乃可此事不可緩若得之不可付其家恐妄用只近來此間或留以俟榦之歸可也榦以先兄一房欲歸亦以未葬不容不歸旣歸又不容遽舍之去遂決意就栗山之招然栗山去箕山與城中正相等

身拘書院亦率一月方得一歸箕山歸亦一日復回不能久留以是事多有不滿人意處甚以爲撓榦又棄家遠在數百里外其况味可知所幸朱家兄弟皆在家庶免後慮耳聞昆仲淬厲甚力此吾人本分事不可不留心此間朋友亦只得課之作舉業以應試不敢爲高論以誤之也間亦有一二人甘心不習舉業而留意於所謂僞者此亦難盡以責人也彥忠後事與之區處稍成倫理亦率得官券八十道以助之但亦尚欠得一兩月糧承欲爲糾率若得十餘千以

助之亦佳偶有建陽人在此已報渠子弟矣千萬早爲辦此近來城中諸公次第未必可率也近得渠子弟書却頗能自守此差慰人意耳此間朋友甚思一見成叔若得五七日暇只取連江湯裏借問日溪路則至此不遠矣

辛酉

翰山居甚適但朋友日課舉業講切殆廢爲可懼耳七月半間亦暫歸建陽八月半前復來此試前當得款聽教誨也少意昨承許爲陳彥忠作檀越昨已報其家令作十四五千主張矣其家已就妻兄處借去禾令妻兄就此支錢用不

六卷

十二

知如何或隨多少看得若干六月末旬內借一人送來爲佳恐翰七月內行期不定早得此錢使用度成叔必不忘掛劍之義也

翰衰晚試邑不敢憚勞歲月倏忽已一考半矣所幸上下相安可以逃責但思學業之不進齒髮之日衰又爲可慮耳

嘉定己巳
時宰臨川

翰素不治生業拏累日衆齒髮日衰又不能坐視其啼號冒昧試邑以求升斗之給不習爲吏一切自爲法度但知無一民不當愛無一事不當理日夜勞瘁無頃刻寧以是行年六十有一

而衰態可畏又居官無蓄積還家又復匱乏去
歲之夏一至中都部吏以為文字不負遂注令
闕以歸已絕意京秩矣冬初二故人官於中
都者又謂可以料理使其復來留滯於此已半
年矣班引之後注闕甚難云云壬申先生在京
注新淦宰時書
翰請違甚又奔走官涂人事曠廢久缺晉記尚
是癸酉年秋間解后令似於清江舟中得熟知
動靜之常便中忽拜誨字之辱反復數四不勝
欣懌乃知琴書寓都城長才遠識尚爾淹回造
物固大有所成就邪翰衰老與世寡偶甘就閑

六卷

退朝廷見念尚畀祠祿粗足自給志願畢矣還
考亭寓居已五十日矣亦欲一歸里中省墳墓
尚以牽制未能動勢湏少俟秋涼也丙子先生
罷漢陽守

奉祠居考亭是冬歸鄉成
叔時在東府鄭景紹書院

翰諸况粗遣無足道者惟區處家事今粗有條
理則可以安居靜養以送此生耳偶有少稟知
縣家兄位小姪子自知孤貧刻意向學偶因子
方姪入都遂附之行欲經營漕試日子已迫不
知尚可圖否且此子怯弱踈拙心甚念之又不可
欲尼其行已為作林宗魯潘謙之書囑之矣恐

尊兄有能爲之地者蒙介念甚幸家兄頃丞沙
邑大參方親迎亦嘗獲拜識不敢令其輒扣賓
謁家兄之孝友清苦人所共知若能爲宛轉使
不至冒暑徒行幸甚

翰抵家兩月餘日望騎氣之至近聞膚仲兄乃
知爲子華所誤及得來教又知躰候亦少不安
吾輩縱浪大化中凡事豈能盡如人意要使在
我有定見而被之往來吾前者千態萬狀不足
以爲吾累可也翰投老來歸先廬無可栖宿之
地得法雲寺僧廬數間葺治居之今已安如山
矣蔬食飲水亦可以老更得如尊兄數人朝夕
往來則尤幸也

一出良勞有司不明父矣豈特士子一試而已
哉此亦何足爲賢者道翰一去鄉井十有五年
投老來歸百事非舊後生輩皆以爲讀書者充
塞時文之具矣必欲全不讀書專念一文一葉
者爲是彼亦豈欺我哉左右以年少便蒙不令
讀書之號此可以觀人物矣勉之彼不足與較
也翰無屋可以爲羣雛之芘近得法雲寺居之
僻寂正拙者所宜新正能下訪否

已拜安慶之命十一日出門十五日長行更
得一見以別幸甚令弟喪事既展則早下訪尤
佳

翰衰晚爲貧冒昧不意邊事擾擾如此初至人
面不相識便有浮光之警幸即退衄此亦汲汲
爲自治計今城壁已就人心已安可以無恐矣
但年月已暮光陰無多矣已作書懇諸公求歸
不然則來春亦決意爲歸計虜勢誠弱人心勇
銳亦頗勝丙寅丁卯間但諸賢處事皆未見有
足恃者中原分裂兵革方動未有息肩之日謀

六卷

十五

國者但欲苟安未見其可也

丁丑冬在舒州時書

翰以與當路諸賢議論不合不忍蠹民誤國力
辭歷陽安慶奏事之旨深入康山堅坐幾百日
竟以此忤意平日不相樂者從而擠之罷命之
至而此身已歸至臨川矣向使冒昧爲修門之
行爲辱豈小哉自此遂得斬斷四路頭温故書
以待盡然有一事欲與契兄議之若早下訪幸
甚比山倦翁不免一出因與之別想亦不免入
郡也生平故舊如賢者今幾人邪以是尤懸懸
也

戊寅罷辭
召命來歸

翰諸况如常痰嗽不止亦不足爲苦也禮書亦
畢日與二三朋友考訂暇則相與畚鬲舊書以
足自適耳來教縷縷以貧爲苦此吾人所通患
然平生亦只有此一字可以上荅吾君與父師
耳必欲求足則湏是棄其所學乃可是何異持
千金之璧以易一瓦缶邪投老歸來頗覺鄉俗
大不如二十年前足下父子生平自負卓卓如
此苟未至飢餓不能出門戶亦不如且伸眉之
爲愈也嘗見陳子昭勸賢者教兩令似習舉業
賢者力折之此却是子昭美意亦是渠生平艱

苦見得如此今說得太高纔經折挫便就委靡
却不濟事也足下亦想未深知某之事體只看
後年正月下了致仕則夫妻父子必至流離此
亦已先安排下此一着對他不足畏也春初早
入城此間有安下處岳陽有一朋友在此真能
任道者恐其正月末即歸早來聽其議論甚可
壯也

已卯

翰自夏間爲氣疾所苦至今未脫體此病恐與
之同死生也更得兩三年在世間讀了所願讀
之書則可以無憾矣潮陽之命力以疾辭已再

上矣以必得爲期也貧固可畏然亦留一人餓
死做樣子亦不須人人安飽也新春和暖亦能
一出否

翰辭免之命再上竟未有處分中間都城大火
又復無暇及此亦決不能復出便做掛冠主張
遲速亦不必論也賢父子何日入城近覺向來
朋友講論不親切後未有不束之高閣者近却
有一二人真可共學獨恨不得相與款語也

與鄭

翰愚不肖過蒙眷予之厚自惟怠惰深懼無以
副期待之意尚慚有以教之乃幸扁舟浮江訪
長者於象山之中以快平昔慕用之私不替寢
食稍暇當求遂所願也



